



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKU

o davanju saglasnosti za pristupanje sufinansiranju radova sanacije armiranobetonske stropne ploče na zacijevljenom dijelu Bistričkog potoka na dijelu saobraćajnice Hamdije Kreševljakovića i na trolejbusnom stajalištu Trg Austrije (Prijedlog)

Predlagač: Gradonačelnica

Obrađivač: Služba za urbano planiranje,
investicijske, stambene i komunalne
poslove Grada Sarajeva

Sarajevo, oktobar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada na sjednici održanoj dana __.__.2021. godine, donijelo je:

(prijedlog)

Odluku

o davanju saglasnosti za pristupanje sufinansiranju radova sanacije armiranobetonske stropne ploče na zacijevljenom dijelu Bistričkog potoka na dijelu saobraćajnice Hamdije Kreševljakovića i na trolejbusnom stajalištu Trg Austrije

Član 1.

(Predmet odluke)

Ovom odlukom Gradsko vijeće Grada Sarajeva daje saglasnost gradonačelnici Grada Sarajeva za pristupanje projektu sufinansiranja radova sanacije armiranobetonske stropne ploče na zacijevljenom dijelu Bistričkog potoka na dijelu saobraćajnice Hamdije Kreševljakovića i na trolejbuskom stajalištu Trg Austrije sa Općinom Stari Grad i Direkcijom za ceste KS.

Član 2.

(Finansijska sredstva)

Sredstva za realizaciju projekta Grad Sarajevo će obezbjediti u Budžetu Grada Sarajeva za 2021. godinu u iznosu od 80.000,00 (osamdesethiljada) KM na poziciji Održavanje vodotoka, uređenje, održavanje i zaštita uređenih vodotoka na području grada – konto 614 100.

Član 3.

(Općina Stari Grad)

Općina Stari Grad će kao implementator projekta obezbjediti sufinansiranje u iznosu od 20.000,00 KM te po okončanju projekta iz člana 1. ove Odluke, Gradu dostaviti konačni izvještaj s finansijskog i tehničkog aspekta.

Član 4.

(Direkcija za puteve KS)

Direkcija za puteve Kantona Sarajevo, kao implementator projekta Rekonstrukcije saobraćajnica i pješačkih staza, dionica Drvenija – Trg Austrije (cca 450 m) i trolejbusna okretnica (cca 200 m), se obavezuje kroz realizaciju navedenog projekta osigurati investiciono-tehnički nadzor nad izvođenjem radova i potrebno odobrenje Ministarstva saobraćaja Kantona Sarajevo za izmjenu režima saobraćaja u toku izvođenja radova.

Član 5.

(Ovlaštenje)

Gradsko vijeće Grada Sarajeva daje ovlaštenje gradonačelnici Grada Sarajeva za potpisivanje Sporazuma o regulisanju međusobnih prava i obaveza na realizaciji projekta iz člana 1. ove odluke, a koji će Grad Sarajevo zaključiti sa Općinom Stari Grad Sarajevo i Direkcijom za puteve KS, a po prethodno pribavljenom mišljenju Pravobranilaštva Grada Sarajeva.

Član 6.

(Stupanje na snagu)

Ova odluka stupa na snagu naredni dan od dana objave u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:

Sarajevo:

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Dana 29.09.2021. godine Grad Sarajevo je zaprimio dopis od Direkcije za ceste KS u kojem nas informiše da su obavili uzorkovanje betonske stropne ploče na Bistričkom potoku na stacionaži 8+75.00 km, te da je detektovana nedovoljna dimenzija betonske stropne ploče. Ispitivanje je izvršila laboratorija „BH TESTING“ d.o.o. Kiseljak. Tom prilikom su nas obavijestiti da postoji još jedno ukrštanje Ulice Hamdije Kreševljakovića sa zacjevljenim Bistričkim potokom (između stacionaža 9+00.00 i 9+10.00 km). Obzirom na uočene nedovoljne dimenzije betonske stropne ploče na prethodne dvije lokacije, Direkcija smatra da bi intervencija na obje lokacije predstavljala najoptimalnije rješenje.

Općinski urbanističko-građevinski inspektor je dana 08.10.2021. godine aktom brojem UP-I-09-19-4913/21-AS, donio Rješenje kojim je naređeno Gradu Sarajevu da **otkloni opasnost** gornjeg dijela stropnih ploča zacjevljenog dijela Bistričkog potoka na način da se postojeće ploče ojačaju ili izgrade nove adekvatne debljine.

Obzirom na navedeno, Grad Sarajevo je iznašao najoptimalnije rješenje u saradnji sa Općinom Stari Grad, u kojem je općina izašla u susret problemu i spremna je sufinansirati neophodne radove u iznosu od 20.000,00 KM te provesti neophodnu javnu nabavku radova putem svog već postojećeg zaključenog okvirnog sporazuma za potrebne radove.

Grad Sarajevo će za ove potrebe izdvojiti finasijska sredstva u iznosu od 80.000,00 KM na namjenskoj poziciji za ove potrebe: Održavanje vodotoka, uređenje, održavanje i zaštita uređenih vodotoka na području grada – konto 614 100.

Direkcija za puteve Kantona Sarajevo, kao implementator projekta Rekonstrukcije saobraćajnica i pješačkih staza, dionica Drvenija – Trg Austrije (cca 450 m) i trolejbusna okretnica (cca 200 m), se obavezuje kroz realizaciju navedenog projekta osigurati investiciono-tehnički nadzor nad izvođenjem radova i potrebno odobrenje Ministarstva saobraćaja Kantona Sarajevo za izmjenu režima saobraćaja u toku izvođenja radova.

Cijeneći hitnost ovog projekta, sigurnost saobraćaja te zainteresovanost Općine Stari Grad za sufinansiranje radova i pomoć u administrativnim procedurama, jasan je interes Grada Sarajeva da se ovaj projekat realizuje na predloženi način.

FINANSIJSKA SREDSTVA

Finasijska sredstva koja Grad Sarajevo treba izdvojiti u navedene svrhe u iznosu od 80.000,00 KM planirana su na namjenskoj poziciji za ove potrebe: Održavanje vodotoka, uređenje, održavanje i zaštita uređenih vodotoka na području grada – konto 614 100.